



(25095)

長治縣志卷之十四

知縣事沐陽吳九齡景文

人甫修輯

人物

兩間有正氣上焉者爲星日下焉者爲川嶽中焉者
爲聖賢而參而兩之天地也且受裁於人矣夫聖人
不可見斯道賴誰存毋亦惟是三五賢儒倡絕學
微言敦庸行用積厥德於乃躬否則身際憂疑變生
倉卒扼腕拊膺死之不能生焉不可於此迴不及待
之頃策萬全求一是有以感鬼神而泣風雨是乃中

流之一柱也人亦有言適軸之內有人焉恥叩角亦
匪洗耳石可枕心與爲堅流可激心與爲冽彼其心
亦謂長爲農夫以沒世已耳庸詎知人濁我清人醉
我醒是亦得氣之正者於戲扶綱常振名教使日星
並皎川嶽增輝胥若而人也芝館備搜輶軒俟採於
以垂芳型於不朽之數者固均在三管之列者也英
才輩出爲類孔多懼其遺亦懼其濫志人物

周

黎侯 子姓其先卽文王所戡後寓衛
其臣作式微旄邱二詩見通志

仲章 潞賢人豐舒爲政棄而不川
伯宗數其罪伐之祀鄉賢

讓 上黨人畢陽之孫臣事智伯以國士待之及智
伯爲趙襄子所滅讓爲復讐凡三起俱爲襄子
所覺最後請襄子衣三斬之曰吾可以報智
伯於地下矣遂伏劍有傳見藝文祀鄉賢

漢

馮奉世 字子明上黨人前守亭之後以夏家子選爲郎
補武安長前將軍韓增奏爲司空令先是漢數
使出西域多辱命增舉奉世以衛侯持節送大
宛諸國客至伊脩城莎車與傍國共殺漢所置
莎車王自殺漢使奉世合諸國兵進擊拔其城
西域平自是至大宛敬之其於常使得其名馬象
龍而歸上悅議封萬望之不可乃以爲光祿大
夫水衡都尉元帝時西羌反大臣集議漠然莫
有對者奉世頓率師討之斬首六千級賜爵關

內侯食邑五百戶黃金六十斤以壽終居爪牙
官爲折衝宿將功名次趙克國卒後二年甘延
壽以誅邗支單于封杜欽上疏爲奉世訟功以
先帝時事不復錄奉世九男四女長女媛適克
后宮生中山王後爲中山太后見列女
志子譚野王遂立參並知名祀鄉賢

馮野王

字君卿奉世子通詩以父任爲太子中庶子歷
三令長遷隴西太守以治行高等入爲左馮翊
京師稱其威信拜大鴻臚會補御史大夫衆以
野王行能第一帝以昭儀兄避嫌不用爲三公
然實見器重成帝立有司奏野王不宜備九卿
出爲上郡太守成帝亦知野王賢會病免復以
故二千石使行河堤因拜爲鄉郡太守時王鳳
專權多災異王章薦野王使代鳳及章受誅野
王不自安賜告歸杜陵風遂陷野王免其官
野王嗣父爵爲關內侯免歸數年卒于家子
嗣爵至孫坐中山
太后事絕祀鄉賢

馮立

字聖卿左將軍奉世子通春秋以父任爲郎稍
遷諸曹竟寧中以王舅出爲五原屬國都尉數
年遷五原太守徙西河上郡立居職公廉治行
畧與野王相似而多智有恩貸好爲條教吏民
嘉美立王立相代爲太守歌之曰大馮君小馮
君兄弟繼踵相因循聰明賢智庶吏民政如魯
衛德化均周公康叔猶二君後遷爲東海太守
下濕病痺徙太原太守更歷五郡所居有跡年
老卒官
祀鄉賢

馮豹

字仲文衍子年十二母爲父所出後母惡之嘗
因豹夜竊欲行毒害豹走得免敬事愈謹而母
疾之益深時人稱其孝長幼皆學以詩春秋教
麗山下鄉里爲之語口道德彬馮仲文舉孝
廉拜尚書郎忠勤不懈每奏事未報嘗俯伏省
閣每從昏至明肅宗問而嘉之使黃門持被覆
豹勅令勿驚由是數加賞賜是時方平西域以
豹有才謀拜爲河曲副校尉和帝初數言邊事

奏置戊巳校尉城郭諸國復率舊職遷武威大
守視事二年河西稱之復徵入為尚書永元十
四年卒於
官見通志

魏

崔

衍

字子相上黨人少好學儒術既明恬靜謙退自
少及長口未嘗語及財利魏末察孝廉除相府
舍人出為氏池長甚有惠政以病免遂為廢疾
泰始初錄叙故府僚屬就家拜郎中年七十餘
猶敦學不倦撰喪服圖行於世劉元海命為御
史大夫固辭不就卒於家時年九十二祀鄉賢

晉

鮑元

任南海太守性極清慧學通經史
人多從受業號曰蒲村祀鄉賢

南北朝

馮龍

上黨人仕魏為魏州刺史有善政能驅蝗出境

李業興

上黨人少耿介志學師事徐遵明於趙魏間時
有漁陽鮮于靈馥亦聚徒教授而遵明與靈未
高著錄尚寡業興乃詣靈馥靈舍類愛業者靈
馥曰李生久遠羌博士何所得也業與靈言及
靈馥說左傳業興問大義數條靈馥不能對於
是振衣起曰羌弟子正如此耳遂便徑還自此
靈馥生徒傾學而就遵明學徒大盛業興為之
也後乃博涉百家尤長算歷舉孝廉為校書郎
以世行趙匪歷為戊子元歷上之時張洪張龍
詳等九家各獻新歷宣武詔令共為一曆洪等
共推業興為主成戊子歷正光三年奏行之又
曰殷歷甲寅黃帝辛卯徒有積元術數亡缺修
之各為一卷傳於世由史論之業興學無愧於
王聰才非減於鮑照史不列諸藝術而列諸儒
林知所推崇矣詎
可抑之羣材哉

隋

馮世基

上黨人仕隋為馮翊與郭均並稱明敏幹畧相繼為兵部尚書

宋

李崇矩

上黨人字守則性純默重然諾史宏肇置為親吏歷周至宋從征高平澤潞揚州俱有功代趙普為樞密加檢校太傅禁軍校呂翰搆亂軍多亡命入其黨言者請誅其妻子崇矩以為人太衆請釋之亡命者聞之稍稍自歸後因譏領鎮移嶺南再移瓊崖散費給軍撫其酋長遷判右金吾卒贈太尉諡元靖終身不忘史氏恩祀鄉賢

李繼昌

字世長崇矩子太祖欲使尚主繼昌辭之兩為都巡檢使改銜幣以計擒賊酋雷燒從討蜀王均主帥中賊計繼昌止不聽獨得全軍及入城嚴令無擾獲婦女稚幼俱閉空所事定各遣還再使契丹稱職歷知四郡以疾乞為神武大將軍卒於連州刺史為治尚寬所至瓦礫之任峽路時縣胥護芻糧後期上官正令斬之繼昌徐為解貸鄭仲早死母貧餓詣繼昌乞丐與白金百兩時人稱之

李處耘

筆之子父歿時尚幼隨兄處疇入京值張彥澤斬關入獨當里門射殺數人里中賴之由是知名為李繼勳守河津得契丹奸細通西川江南蠟書太祖遂以隸帳下陳橋之變臨機決事謀無不中太祖重之從征李筠又從征李重進遂知揚州撫綏得民心召歸民遮道至不得行慕容延釗討荆襄處耘為都監以計入江陵平荆湖軍士犯令即繩治不少貸因與延釗不協互相論奏坐左遷瀘川刺史卒贈檢校太傅太祖納其女為太宗妃即明德皇后也祀鄉賢瀘州上黨人淳化三年進士補嵐州團練推官督運有勞遷晉州觀察推官至道初度支李擇

王陟

言薦爲著作佐郎通判大名府眞宗尹京留爲
開封司錄參軍以謹幹被知遇卽位召賜緋魚
袋改著作郎進推官乘傳陝西督餉靈武咸平
初遷太常博士爲河東轉運使賜金紫時越保
吉納欵屢遣陟與內侍張崇貴裁度邊事正其
經界又副崇貴使夏州賜詔命代歸同考試貢
士及封邱卷首改工部員外郎知棣州召入判
三司鹽鐵勾院卒上以京府之舊甚憫之錄其
子若拙奉禮郎後官太常博士若谷太廟
齋郎及陟妻卒又命給其子俸祀鄉賢

李繼隆

字霸圖處耘子以父蔭補官平蜀遷爲果園監
軍征江南以寡破衆督漕運與吳人鬪糧悉善
遶路遇虎射殺之又獲吳將斬其首太祖聞其
勇敢器重之從征太原禦契丹征李繼遷及扈
從瀛洲皆著大功料敵出奇每得勝筭歷事三
朝謙謹保身明德后寢疾欲面上從之往至閣
門拜箋終不敢入累遷鎮安軍節度使官至中
書門下平章事卒贈中書令諡忠武與李沆王

李繼和

旦配享眞宗廟庭祀鄉賢
字周叔繼隆弟以父蔭補供奉官三遷至洛苑
使從兄在邊友愛尤至每入奏機事仍繼遷請
城鎮戎軍以控西夏朝議不果及張齊賢梁灝
經畧訪邊事於繼和因言鎮戎當城甚悉及邊
將內憂窘乏外憂讓毀宜賞厚恩深不必事從
中制後統兵擊衛埋族於天麻川諸族懼皆求
內附請移涇原部署於鎮戎開導環延爲應援
眞宗甚嘉之但馭下過嚴人以爲刻官至殿前
都虞侯鎮州防禦使卒贈

李遵勗

字公武繼昌子進士召對便殿上喜尚萬壽公
主授駙馬都尉公主下嫁宮室衣服有龍鳳文
令鑿去屏藏之帝嘆喜班在父上請下許之聞
父在涇州疾未奏聞馳者還自劾帝慰之遷觀
察願領郡自試知澶州築堤捍河患遷節度求
山林張不許章獻太后垂簾時密問外之人情

何似曰但言天子冠當以時還政耳又上三說五事以論時政其所補益尤多卒贈中書令諡文和著作

李昭亮

繼隆子與兄昭慶及從弟昭遜同廕昭慶官至洛苑使昭遜官至供備庫使惟昭亮有聲稱勿時遣至繼遷軍中問方畧還奏稱旨遂需意任用歷知十數州領十數節練習通敏善委任故無他過為真定總管時保州兵叛遣使召降叛者曰得李步兵來我即降矣及亮至果即降信義類如此為殿前指揮時誅蒲博開兵祀南郊配騎卒失弓矢者禁軍服保官至平章判六名真宗親書親賢勳舊字賜之卒於

李端懿

昭德節度使適中書令諡貞僖字元伯遵勗子喜問學通陰陽醫術星厯地理聞善士傾身下之故名播士林以如京副使累遷知冀州民愛其不擾知鄆州值饑發廩大賑置弓手局教射遂如精兵治汶堤百里以却水

忠卒於寧遠節度使計聞帝方宴為撤樂諡良定在嘉祐時密請建儲人無知者第端懿得其遺藁上之神宗曰近世之賢戚也由是名益著

李端愿

端懿弟歷事仁英神哲嘗諫稅三折民力不堪請英宗親政一係人心皆時政之大者敬歷中外官至武康軍節度而卒子詳官至成州團練論事頗見采然多采外事以自效至以公士遺命爭官視其父祖

苗授

京之子少從劉翼之學補國子生以父隆起家土部取鎮洮州翼死於香子之國授以五百騎大破羌兵又破鬼章功居第一取銀州降木征召使契丹神宗勞之曰香子之役非卿幾敗吾事計生羌斬萬級降附十萬五千帳取定西降戶五萬追北萬餘數千里百日始人塞史稱其遇事持議不苟合止城錢南及條奏征靈武進止利害皆符官至殿前都指揮以保康節度知

潞州卒贈開府儀同

三司論莊敏祀鄉賢

王彥

字子才上黨人性豪縱喜讀編畧先仕為清河尉金人入汴慨然棄家赴討求自試討賊張所異其才擢為都統使將岳飛等十一將渡河敗金人復衛州傳檄諸郡金兵大至圍數匝衆寡不敵諸將皆潰歸彥獨保兩山結豪傑圖再舉兩河響應有衆十餘萬綿亘數百里金人以其若堅如鉄為未易圖彥刻口北伐告期於宗澤澤召會議遣如行在所力陳兩河忠義延頸以望王師願因人以圖恢復言辭憤激大忤汪黃免對致仕後雖從張浚立功川陝未竟其志卒於洪州觀察使知邵州彥事親孝居官廉子弟從軍有戰功多不與推賞故其後不顯祀鄉賢

府志曰吾觀宋中興諸將如韓世忠劉琦吳玠雖皆

一時之傑然戰將耳志在恢復則宗澤張所岳飛與

彥四人而已始悞於汪黃再悞於秦檜予裁下令人

扼腕流涕而不能自已宋史有彥傳亦深惜其用之

未竟云

元

王天祐

字國卿潞州人高祖政進義校尉祖顯翼白水主簿父夢臣以天祐貴贈澤州知州上黨縣男天祐穎悟有才蜀搜訪遺逸擢充檢討官歷太常奉禮郎轉國子博士出佐隰州入為太常博士會議大禮多見俞允皇慶中以潞州知州進階致仕子璋澤州學正琮陽城主簿瑣吉州學正瑛太廟奉禮郎祀鄉賢

李孟

字道復潞州人曾祖執金進士祖昌祚歸元授本州宣撫使父唐陝西畧陽縣尹有惠政孟敏悟個儻七歲能文日誦千言學成經濟不求知於時屏居授徒時武宗仁宗未出閣裕聖后爲求名儒輔導得孟甚重之武宗撫軍北方昭獻后降居於懷孟力以孝弟切陳於仁宗併勸以大經大法後仁宗全孝弟而爲明主孟之力也仁宗崩內有異謀孟決策定難功成不居除參知政事不拜道跡山林武宗蒐訪得之即授平章且曰此皇祖妣命爲朕賓師者繼相仁宗君相道合得行其志而其引退之志逾堅仁宗不釋再辭再相之至圖其像敕詞臣贊之大書秋谷二字以賜秋谷者潞東山而孟取以爲別號者也封諡許選舉祀鄉賢

蕭彬

字仲文潞州人父兆平金有功授平陽太原等處都達魯花赤彬以征西功選充內臺通事隨臺奏事帝嘉之封職許選舉祀鄉賢

秦起宗

字元卿上黨人當之後學書無紙父順削柳爲簡寫授成誦削去再書學成歷臺省諸史選充太子家令典簿官上言東宮輔導不宜理財朝廷是之遷南臺御史建康水患請報不實認起宗密察得之人服其神諫征八番帝曰非起宗幾至失計劾中丞和尙伏其辜帝曰爲御史當如此矣朝議以起宗治蜀幕而悞書其字帝引爭更之漕事漸廢帝曰預御史爲我治其見重每如此總管撫州裁其供賑諸費曰我農家素儉事務安靜庶吾民化之以兵部尙書致仕卒諡昭肅子鈞西臺御史錄

王梅

字鼎臣守忠從孫仕元由端本堂說書除寧紹宣撫照磨轉內臺御史中書左司郎中禮部侍郎改河東宣府同知守太行隘口

王利用

字國賓路入大德初爲安西興元兩路總管減職田租額始戶之役於他郡者悉除之民甚便

焉有婦毒殺其夫問所從來吏教婦指爲富商所貨利用曰家富而貨毒藥豈人情哉訊之果寬

董誠

字友道潞州人儒吏兼通授兵部主事累官戶部尚書守法奉公僚屬敬憚出爲山東行省參政音右丞致仕歸與尚書李惟馨解元杜敦爲詩酒社時人謂之雄山三老其子孫衣冠鼎盛

時一

李惟馨

字庭芳潞州人元嘉之後賢敏好學嘗遊楚越各區入燕都以訪師友富於經濟江淮兵起脫脫征之請爲幕賓陳要害以令四方推豪民以銷他變止妄殺以開自新遂平徐亂丁父憂值曹漢盜踰太行陷陵川高平鄉民奔竄惟馨止之率衆憑險以守伺便生擒數十百人賊不敢入後應察罕帖木耳聘說以據上黨翼京師屯磁邢以次剪滅羣盜皆如其策累陞兵部尚書

後副擴廓帖木兒進策不用遂敗乃歸明太祖統壹海內考禮正樂惟馨在呂中事竣辭歸復召授以官以老病辭許之守其先世雒山書院建萬松亭知非齋可已堂有筇曰始終交杖一時耆宿如宋濂閻凱輩嘉其高尚連章贈別卷帙至今尚存海門羅莊有詩贈之見藝文志著作多散逸惟存知非齋一卷及宋遼金王統論行於世孫通仕明爲夏津主簿曾孫誠與素一爲義民一條貢士授嵩縣知縣八世孫明天啓舉人任教諭十二世孫宜楷舉人中書任教諭

明

曹

鶴

字九臯璣之子潞州人戶部郎中伯堅之後舉賢良方正拜右副都御史轉左副都御史遂拜左都御史明初重憲紀不輕授人公三任卽長憲才品可知惜舊志俱畧無從考其實也第九

齡以薦舉累官武英殿大學士舊志亦不載其行實

王士宏

潞州人任浙江寧海縣知縣時吳禎收籍方氏溫合明三郡故兵無賴子挾私濫及平民民大擾士宏曰吾寧獲死罪不可誣良民爲兵卽上封事辭甚懇切事遂寢三郡之民賴以全安尋陞廣東南雄府通判卒三郡之民悲思之按士宏府州縣三志俱不載今見薛方山憲章錄言出君子宏用傳矣

劉昭

字克明潞州人好學文有奇氣成進士任南科給事中時中貴監收倉儲奏革其擾嚴皇城門禁凡所糾彈不避貴近陞陝西臨洮府知府尤真心爲民墾荒田修學校事求實用而不沽名曰吾求盡在我者而已七年不調入覲卒於途

趙泰

字熙和潞州人由鄉舉任南直常州府同知能任事修孟瀆得勝河及要路橋閘善治政最多嘗

妻神指一婦人曰當辨其冤次日果有訴婦詞冤得情冤遂白時河決東省理治河郎中而尙書周枕又疏請協同督運詔從之乃以勤瘁致疾而殞其爲政不刻覈而事自舉及其卒也上下悼之子澄官縣丞祀鄉賢

趙偉

字士奇潞州人正統戊午舉人授開封府同知巡撫于謙薦衛輝府知府未任懇歸補萊州府同知二年遷青州府知府值旱荒飛蝗蔽天禱於神大雨如注蝗盡民一家三人悉生死擇其稍輕者活之使得有後悉政八年增墮廟學以次修築後以朝會入都抗疏致仕優游里巷中歷十餘年卒子汝璋

朱朴

潞州舉人任國子博士古質尙行無書不讀爲文宏放有一瞬千里之勢詩宗魏晉古意蒼然官遊四十年業無長物清正澹泊以自娛

廉政

字養民潞州人以鄉舉任山東安邱縣知縣仁惠著聲調河南澠池值歲稔餓殍枕籍乃畫便宜悉心賑救狀聞得鐫卹全活以萬計時司馬余公咸屬官洛陽以墨著民狀監司屬政諷之政案如律或有為求少貸者曰吾寧坐免歿民害政不敢出也竟以此遭誣解綬一歲而卒民咸思之

澠池

李紀

字朝振潞州人成化乙酉舉人授故城縣知縣遷錦衣衛經歷歷臨洮府知府降長蘆鹽運司同知遷福建鹽運司運使甫一年致仕紀嚴毅沉默為文詞滔滔如江河故城俗婚姻論財為立中正法不率輒痛治之有官田為豪家侵據按籍責之悉吐實薄其租稅給民之無依者在臨洮以嚴明為治為番漢雜處非操法無以遠惡巡撫有故舊販錦葛紀曰某不能為貴人儉而漁民也將執之其人懼而走在長蘆福建益峻潔自厲嘗以事入都諸商人其貝道旁策馬

栗鉅

承趨過不少顧垂歿會親戚子弟出篋示之惟圖書衣幘而已生平雅好吟咏所著有默菴集孫敏德進士累官陝西右布政使

潞州人字靜之任南直隸浦縣知縣調陝西隴西知縣居官清惠陞階州知州歸老閉戶自娛雖飲射不入公門從弟銘舉進士姪孫應麟以易經魁天下應宏鄉舉通判皆以文章馳聲銘孫繼祖曾孫永爵永祿永壽永馨科第蟬聯而永祿最顯後以明經貢者有威恕樞繼武恩庭有崇德

栗銘

嘉寶

字警之歷任山東陽信南直丹徒二縣知縣剛正有風力不屈權勢微拜臺諫格於宗親例出守南直徐州致仕常自列所履事以見平生言動未嘗或乖於則云

鮑麓

字時化授南直崑山縣知縣夙獎軋盤且冬大族徐融化之降海寇秦蕃因築城後倭寇屠掠

三吳崑山無恙稍遷州部主事卽出同知四川

河州歷直隸順德府通判南直秦州知州陝西

慶陽府同知以子貴

仇燭

封中書舍人祀鄉賢
諸州人敏元孫任直隸隆平知縣以才敏稱時
虜寇蘄鎮邊邑殘毀特調撫治知懷柔縣賊警
報未息捍禦最苦有寄故舊詩塞草焦黃六月
秋連宵烽火照邊樓故鄉若問爲官事身在皇
家地

書頭

李翥

貢生陝西安定知縣有惠政祀安定
名宦延馨延康如桂如松皆其後也

趙于敏

希夔子以鄉魁成進士格於宗戚任陝西河州
知州陞直隸廣平府同知河南府知府不事權
貴因得罪歸事白屢薦未及

大用家無儲蓄意豁如也

宋守約

任四川成都府推官內召格於宗戚補河南彰
德府同知陞直隸昌平兵備田叅政陞僉都御

史巡撫

延綏

李如桂

字希寶延康姪玆長孫也任山東濟南府推官
內召拘於藩戚補南直隸廬州府同知陞浙江
僉事監軍禦倭寇嘗關弓一發而斃賊渠魁晉
陝西叅議守環慶虜攻城垂破設伏退之晉副
使巡關南值狃夷亂招撫之又亂討

平之遘疾卒於官父延昌贈推官

吉人

字國積廷弼子授直隸獲鹿縣知縣拜江西道
御史出按甘肅兼理學政舉刺甲乙吏士心服
陞東昌道副使時漕涸舟膠人疏濬牽挽凡兩
閱月萬艘盡渡尋以嵩祝過里卒長治禁葦收

頭之害自

人力持始

李新芳

字元德潞州人姓剛寡合嚴毅難犯燕居危坐
如對神明處家室若臨師保其自勵有云事在
分中皆可做理根心上不難明又云身心不可
告天地面目如何對聖賢以書魁登進士主司

聞其文曰此道德功業之士也歷任南直淮安直隸保定二府推官陞戶部主事改監察御史以秉公杜託鋤強伸枉爲政風裁凜然出按真定發奸摘伏尤深惟民隱屬吏敬憚生忌心遂擠之歸杜門講學體驗身心造詣愈深從遊之士日益衆隨品陶鑄多爲名人雖王公長者稱

李延康

舉人曾孫時茂拔貢官知縣字允吉祖翁陝西安定縣知縣父玳陝西雒南縣縣丞世有積德延康與兄山東登州府知府延馨相繼登進士初任河南汝寧府推官徵拜御史按秦隴順天出爲河南僉事陝西參議湖廣副史歸卒於家爲人剛直不撓所歷皆法司故隨在著風裁爲御史時能使一二武臣及中貴歛跡避驄爲參議時能使按臣不敢以非禮相加乃心甚仁恕斷汝寧豪獄及治商雜礦徒不肯及無辜毋訟子逆動以真情能使感泣回心是以吏民感服而權貴多不悅御史未幾而

趙希葵

外轉藩身未幾而歸田至今輿論其推闡者猶與慕焉子如松官至知府字一卿乘中子進士任直隸安州知州陞山東東昌府同知歷四川雲南僉事貴州參議湖廣副使陝西參政按察使右布政官至河南左布政使以藩親不得爲京朝官加食正一品俸且間散官廕子之例爲用時僅弱冠耳嘗督隄功水大至衆皆驚散乃獨立衝所衆還競築隄得不壞又編審有譁其不公者詢其故謝而改之時世廟南巡道路獲罪者衆安肅令逃去當道以攝縣乃爲黃衣行宮俱億皆實用無異物上喜欲以爲巡撫地方官以不拜止同知時值獻后梓宮南下中人護喪郡縣不能支臨清守又逃去當道以攝州據禮應酬中人竟服銅仁小平茶苗叛官軍征之不克斐在貴州以他道署事撫按檄進征毅然履陣賊退入林箐深密兵不敢進乃爲炮駭望烟飛擊賊不支再退伐木開道如前再擊遂及其穴察罪帥安天朝可用

釋其繆綬授以方畧使之立功贖罪苗遂平拓地二百里以其功歸帥臣僅受陞俸金幣之賞其為藩臬長廉平冠一時民有趙佛之稱致仕歸絕請謁明農訓子勸化鄉人隨分歸善壽八十七而終遠及山巖賤及與丐莫不奔走號泣實行素孚可知已十二于實儀賓克家于敏官至知府于朴貢士孫復

周欽

字克敬由平順貢任陝西咸陽縣知縣陞河南歸德府通判為政以約已裕民為要治獄以罪疑惟輕為心雖問代庖亦必為計久遠在秦七載官民相洽民無不達之隱凡城郭學宮公廡橋梁圩堤無不繕治煥然一新功之最著在均田立法無所容奸民為立碑頌德在豫時有惠安伯張氏者倚椒房恣橫勢占民田七百頃吏不敢詰欽悉令勒歸積勞乞休不計乃掛冠長往當道為請得致仕卒後三十年子一悟成進士累贈蘇州府知府孫再勳察人官知府再烈

貢士信

梁永祿

字士學銘之曾孫以禮經發解與兄永爵同舉進士任南直壽州知州復古芍陂塘植牧著陞蘇州府同知歷陝西僉事副使浙江叅政仍以叅議調河南陞直隸昌平兵備歷副使叅政仍以外細於市得其情豫防之及虜入寇督戰有功受上賞加休歷江西湖廣陝西藩臬長人為光祿卿順天尹以進鄉試題穆宗奇其貌曰可置邊陲以當單于起數日虜犯昌平甚急遂以副都御史出鎮虜間之引去改河南巡撫入為兵部侍郎改南京總督檣儲罷歸起為兵部侍郎巡撫甘肅致仕卒性剛直敢任事居鄉以禮俗正人阻漳父木但照有郎子崇德孫嘉實俱廉

知縣

陳吉

字守正潞州人嘉靖辛丑進士知湖廣鈞州性剛毅敏於嫉惡清職嚴庶人橫肆吉裁以法因

之賜祭墓

人物

五

與惡構飛語中之安置海南凡七年閉戶讀書
畧無遷謫意庶人既誅誣始白有詔復其官歸
卒於家子兆玉貢
士賓雜縣教諭

仇鴻

淄州人敏之曾孫幼嗜學每至夜漏下二十刻
於書無不窺而尤精於史務見於行不徒事言
語文字問故孝弟義順身皆體之居喪準古禮
而猶有歉於心不御酒肉三年其後子孫遂有
家範爭以孝義著名其鄉
人付私益爲正篤先生云

張邦立

字德學安貧嗜學言動以禮都守宋廷欲延爲
節賓彥曰必欲延邦彥者當以師事不者不能
守口諾適處下拜彥儼然抗禮守益喜以爲得
所師後成進士任山東汶上縣知縣終以抗激
而歸其貧窶無異諸生時怡然也

張邦立

邦彥弟幼事兄得其矩範以貢任山東歷城縣
主簿有操守以禮自持不隨俗情巡撫孫鑣

鮑水蔭

其品欲薦之衆以簿爲傲吏無引手者陞河南
和縣縣丞保強如故致仕歸與彥稱二難
字子傳龍子由進士授中書舍人改御史三持
憲節俱著風裁陞河南副使山東參政河南廉
使左右布政使爲御史勘問西山以佛戒致衆
觀者塞路陸懼以倡異可慮疏禁止之大名府
祭祀名宦郡學崇祀

李尙賓

淄州人嘉靖壬子舉人知河南輝縣補淇縣秩
滿遷裕州知州其人止閣下乞養詔以知州
目知淇縣尋爲直指使者所拏劾尙賓有異
才詞賦文章胥自出機軸有奇氣性狷介衆謂
付才軋人故爲所忌既歸益甚一日求妻鳳
釵易米供晨饗妻曰君以貧拊邵史自簡乃無
米炊耶尙賓曰謀米及婦使一釵不保吾不貪
誰貪者聞者嗟然子嬰能舉人滄州知州孫專
業舉人柏鄉知縣
三世胥稱清白吏

邵光先

字子孝進士任南直上海知縣報最拜御史按
貴州湖廣首發大中丞衣職及罷治瀘藩討黨
擢大理寺丞晉少卿拜都御史歷撫延綏陝西
回院協理轉兵部侍郎出爲三邊總督陞尙書
兼太子少保數歷中外人半居戎馬之場爲人
嚴重有威望之如神明而傑度曠逸人得自盡
方虜求內附衆議未央光先謂宜外示羈縻內
修武備備完則操縱在我矣於是貢議始定廟
堂推重故火於西陲十餘年間全陝無虞而心
力亦竭矣積勞抱恙又間封君疾革一慟而殞
贈太子太保賜祭葬祀鄉賢子二人
繼業官生繼英繼蓋俱官至通判
字司晉勿員異爵遊李侍御漳野之門而與任
光祿輩相切劘又主陵川宗約教詩文脫蹊徑
外弱冠領鄉薦七舉不第任河南睢州知州補
直隸延慶州贈肥土也亟清左右夙獎延慶邊
郡也一於防守拊循商人有循例饋遺者嚴拒
百真之法邊民始知公門不可私謁矣兩郡

程應登

以制歸郡乘各有專傳於是浩然嘆曰向爲親
屈今可已矣口與王公耆碩爲咸泉社八子會
學易會皆推登爲長陶然詩酒棋枰間年七十
七終三地俱從祀以孫正已貴贈兵部右侍郎
弟應科貢生官訓導子尙勤貢生官至保定府
通判祀名宦孫正已進士官至兵部侍郎贈尙
書事載國史正家舉人官至戶部郎中正緒解
元會孫之鼎舉人官中書之璉官生之璠官生
官至福建按察使之
璠官生元孫樹拔貢
字子明萬曆丙子舉人幼孤事母孝年二十三
舉於鄉授南通州知州潔已愛民正直不阿時
織造宦監勢張甚永馨抗禮不屈
送歸里與唐珪數人詩文唱和
字忠珪欽子博學宏才留心經濟嘗酌古準今
著十六策以禮魁登進士任戶部主事歷員外
郎中會島寇關白平秀吉侵我屬國王師東指
督餉八十萬石復疏陳方畧陸運海運洞若

栗永馨

周一梧

梧督餉八十萬石復疏陳方畧陸運海運洞若

列眉卒奏膚功出守河南歸德府未至調南直
常州府甫及莽而蘇州稅閹激民變復調蘇州
持以靜定反側遂安明年民復變梧第擒其倡
者遣戍之亦尋定及校士一不容私權貴子弟
大沮遂大噪梧知不可正遂引疾歸家居八載
有司聘修郡志梧秉直筆大書迄今猶稱信史
起陝西河西道副使時洞賊方熾郡縣多被蹂
躪梧練營兵儲火器設問課修職守賊知有備
遂遁他境又懸賞開諭許以投誠或擒賊贖罪
有賊偽混天王田一寬天平王田一廣併其子
弟黨羽咸束身歸命朝論方議顯擢而梧猝告
殞關中無不感其德者相爲豎碑思慕焉子再

李一爵

勲舉人知府再烈恩
貢知縣孫培誥歲貢
早裔孫舉人任陝西狄道直隸涑水兩縣知縣
晉通州知州通固邁賦藪積胥盤據出入不可
問三載五易其官爵徹底清覈諸事節省僅存
餘除考成全完又代徵壓欠銀一千五百兩有

程尙勤

奇積胥衝入骨髓以世揚中之權直指白
簡闔邑叩關得昭雪以原官補用不赴
午必刺應登子學寅燕洛嚴重端方見者起敬
大司馬正已出門下以明經起家初調平陽主
按部乘陝陝西醴泉縣知縣祀名宦再陞直隸
保定府通判分署易州軍士曾有脫巾者勤單
騎往諭歸伍任事五月致仕以子正家考最贈
承德郎子正國廩監正家舉人官至戶部郎中
正緒解元孫之鼎舉
人官中書之舉貢士

程正已

字道先應登孫進士端介靜深初任行人陞吏
部主事歷員外郎中掌計與太宰趙忠毅公南
星深倚之已力持國是朝士憎服時鄒忠介公
元標楊忠烈公璉馮鼎定公從吾左捨公光
斗皆與已同志相引重尋晉太僕寺少卿以僉
都御史巡撫保定逆璫魏忠賢以部民納交拒
弗納過其門亦無所加禮及忠烈楊公燭邪罷
歸道出恒山人皆避匿不敢通已獨慇懃游次

逆璫益深街之引疾去及諸賢難作遂同遭削奪擬城旦會懷宗御極賜環晉侍郎錫還詰命憂勞成疾遂致仕後以敘延寧四川之捷三賜金綺家居五載謝絕請謁卒贈兵部尚書賜祭墓子之璉官生之璿官生歷任福建按察使之璿官生孫炯拔貢熙寧人曾孫均拔貢祀鄉賢應登孫尙勤子以孝友忠直著聞事父至謹母癢疾衣不解帶者數旬奉繼母如其母三居大喪情文兼至敬兄育弟輕財好施豁值大荒賑貧處死者凡數百計初授河南南陽府推官甫任半載歷獄大獄悉多平反中州有八郡青天之稱諸上臺交章薦之時豫賊充斥諸帥又跋扈難制上臺重其膽識才猷題讀監紀以一季官馳驅米鄧左三總戎之間而盡閱方城襄東軍功三捷擒土寇劉中湖等於裕州殲巨寇楊四於舞陽及恢復鄧沔兩城一歲虜喪錫者三唐庶人假入衛謀不軌道出裕州時攝州事設法尼其行馳報請上臺使得有備遂以密謀致

程正家

罪人立擒擢戶部主事召員草東擄節為多陞郎中有輪運賢勞督大官程儲養餘俱歸釋長一粒不入私棄甲申國變以哭臨懷宗得疾卒於京邸長子之鼎舉人官中書次子之琨歲貢

國朝

王 飛

字允調順治丙戌進士授江西南安府推官攝豐城瑞金寧都三縣篆所至有循聲譽歸補登州府推官治行最入為江西道監察御史巡視西城疏請裁道標以節浮費變蕃產以助軍需設海防屯田以安土著荷侃侃中名實補福建道監察御史首疏請開經筵旋掌山東道巡視東城以年例轉廣東嶺西叅議道未幾裁缺歸里閉門謝客歷三十餘年卒諡立朝敢言而抗疏辨濬焚機罷市事

李呈秀

字燦瑩中白父邑諸生以子貴得封典學問宏深屬詞簡易設科教士不徒事章句末務期

明心見性實踐躬行遊門下者多成篤實斌雅之彥中白選館時遺書曰品行乃服官根本汝直厚自樹立為經濟地及典試順天又遺書教以公慎交矢務彌以人事君之誼地封之後畧無矜色不愧抑抑哲人云祀鄉賢

周再勲

字仲賜欽之孫一梧子天性孝友嗜讀書寒暑不輟張藐山袁臨侯兩先生咸器重之與三晉諸名士以文章道義相砥礪崇禎丙子舉人庚辰會副順治乙酉投刑部司務參較大清律陞戶部主事時西陲

簡

命于副客辦理七十萬石三月事竣歷員外郎中尋陞浙江金華府知府兵燹甫平加意休養民甚德之以老歸貧約如故杜門却掃著書自娛書法過羲獻而謠吟尤極慷慨時作山水寫意或元人碎錦灑脫精工兩擅其美續修郡乘筆力簡傲殊有班馬遺風

呂和鐘

字大呂幼負奇氣有識見不隨人俯仰以十一世武功賢裔下帷攻苦領鄉薦任襄陵教諭課士有方旋登第例當授官乃喟然曰人非熟讀史書何以經世遂還山居數載授工部主事以新進估計墮工立議不移人胥為股栗抽分龍江奉堯荆關屢辦機務區畫盡善而商民無擾且除籽粒之累判漁肉之奸民困復甦山是以勤敏考最擢員外陞郎中賜乳茶大緞榮寵有加轉按察司僉事督學闈中京省要津類多掣肘鐘以冷面禦之一無畏縮秦省素悍遇考試有劫生刁習力為懲治乃息與安路險士子就試他郡往往因餓寒斃途中或飽銀虎慘莫甚鐘憐之躬赴其地考試婦孺梯屋而觀謂何幸見呂公其深仁厚澤秦人今猶道之前封承德郎晉秩奉政大夫祀鄉賢

程正緒

應登孫尚勤子文行交修人以國士目之中戊子解元授江西定南令廉敏寬平聽訟一準精

理在江西循吏中首屈一指顧守闕里孔公會
有真人品真經濟真文章之稱凡遇大案疑獄
上臺悉委以決後署龍南一以治定南者治之
平生博覽羣書發爲詩文大有龍門少陵筆意
楷摹顏魯公行做黃山谷得之者奉爲墨寶與
周公再勲同修郡志稱爲一方信史又著有上
黨程氏乘餘錄刊行外有蓮塘

閻必崇

字隆季甲辰聯捷進士任江南華亭縣令秉性
孝友少失怙恃與兄同爨口不言貧讀書過目
不忘作文奇雄渾浩當出宰華邑時一以興利
除弊爲己任華亭本折錢糧二十餘萬接年拖
欠老吏盤踞崇事事出以許慎積弊漸除課文
青士手自丹黃舊有那混一案應流吏得二十
餘人設法完贖悉保全之甲寅乙卯沿海戒嚴
羽檄交馳修金山青郵兩城置兗州客兵營房
二百楹造艤艘備槽鑄燒柳炭修弓弩建斥堠
助月餉傾囊捐貸支給千金者凡六不以累事

之人至其待去任
官員尤屬厚道

張輔

字翊宸狀貌魁梧胸懷磊落以例貢授浙江青
田令抵任時邑甫經變輔安集招撫民復故業
民乘散亡捐俸修輯辛酉歲閩省汰兵流聚九
都爲盜輔單車直入盜出不意遂潰散未幾鎮
兵至將洗九都輔力白謂羣盜已潰餘皆良民
願以入口保民賴以全爲之立祠丙寅邑遭大
水輔躬駕小舟指揮拯溺活人甚衆是歲以憂
歸服闋補四川桐梓令陝西延安府同知籌
邊裕餉材能屢著丁丑歲以辦理榆陽大差兩
臨水河幾至身殞撫臬嘉其勞委署兵備道篆
以積勞致
病卒於官

周錫壽

培誥仲子弱冠補弟子員爲文力追左莊尤多
雜著康熙丙子發解房師陶自悅謂其文綺曲
窈深莫可窮狀古調獨彈正恐知音不易覓也
是以十上春官未博一第後爲江南鹽城縣令

興學校立義塾維風化俗士習丕然他若塾漕捕蝗修登瀛橋及陸宣公祠政治班班儲在文贈有名元海內無雙士循吏寰中第一人之句雍正癸卯克文武兩闈同考官積勞卒於闈中

閻宗衍

字亢能必崇子進士授封川知縣抵任宿廟警衆一以清慎爲本因革私餽陋規別爲條教民咸欽服嗣補文風肇興科第而士皆知書歲饑民將啓釁多方撫慰於平糶倉穀外復捐俸賑之安堵如常上憲賢之委攝德慶州篆惠政及民口碑載道當道方交章薦之乃以疾請歸去之日民遮道泣送衍爲人醇謹廉隅勿失恃值必崇遠宦讀書時每不舉火賴伯母楊撫育之送遵其訓得成名迨宦歸二十餘年足跡不履戶外子克惠歲貢生

忠烈

漢

馮參

字叔不立之弟學通尙書少爲人矜嚴好修儀容進退恂恂甚可觀也參昭儀少弟行又勅備以嚴見忤終不得親近侍帷幄以王舅自黃門出補爲涇陵食官令病徙爲寢中郎有詔勿事擢上河農都尉超遷代郡太守內徙安定病免復爲諫議大夫使領護左馮翊都水中山王不得立乃封參宜鄉侯以慰王意後以列侯奉朝請立侯皆敬憚之參不肯少貶頃之哀帝立傳太后用事追怨中山太后陷以詛咒大逆之罪參以同產當隨坐遂自殺死者十七人當時莫不憐之宗族徙歸故郡班固贊曰詩稱擗抃威儀惟德之隅宜鄉侯參鞠躬履方擇地而行可謂淑人君子然卒死于非罪不能自免哀哉讒邪交亂良正被害自古而然故伯奇流放孟子

官刑申生雉經屈原赴湘小弁之詩作離騷之辭興經曰心之憂矣涕既殞之馮參婦弟亦云悲矣鄉賢

陳龜

字叔珍上黨人少有氣志永建中舉孝廉累遷京兆尹繩治三輔豪強郡內大悅會桓帝拜龜將軍土疏帝為除并涼一年租賦以賜吏民龜既至州郡重足震慄鮮卑不敢近塞大將軍梁冀請龜沮毀國威挑取功譽坐徵還因乞歸田里復徵為尚書冀虐日甚乃具疏請誅之不報遂不食死西域并涼庶民咸哀祭其墓焉

後唐

李肇

上黨人仕後唐歷軍校至檢校司徒從討王都於定州契丹來援唐師不利肇力戰死之子孫入宋為勳臣貴戚

北漢

王得中

上黨人仕北漢為樞密直學士周漢構兵遣得中求救于契丹歸為周世宗所得釋之賜以帶馬問虜兵至期終不肯言曰吾食劉氏祿老母在園中以實告則周人據險以拒之國家兩不若一死之為愈也世宗以其欺罔縊殺之嗟乎五代無定君而士亦無定主食其祿而死其事即豫讓為智伯可也况周魯臣漢為漢以仇周視豫讓為尤正焉

宋

苗京

潞州人守麟州趙元昊入寇死之

李涓

字浩然遵勗會孫蔭殿直召試中書易階通直郎知鄂州崇陽縣靖康元年羽檄召兵鄂當發二千九百人皆未集涓獨以所募六百請行或謂盡徐之涓曰事急矣當為東南倡而募士多

市人不能軍洞出家錢買牛酒激犒之令曰吾
國知無益然世受國恩唯直死耳死國留名男
兒不朽事也衆皆泣即日引而東北合蒲圻嘉
魚二縣兵至蔡天大雪蔡人謀而奔曰敵手矣
卽結陣以待俄游騎果集涓馳馬先犯其鋒下
皆步卒蒙盾徑進乘勝追北十餘里敵大至飛
矢蠅集二縣兵亟舍去涓創甚猶血戰大呼叱
左右負已遂死焉年五十二士卒死者六七上
官誣其遁去明年蔡人以屍
歸錄其忠贈朝奉郎官三子

金

王良臣

潞州人承安中進士詩才敏捷尤邃於內典授
翰林修撰起居注興定二年爲潞州元帥府參
議官元兵至與元帥納合蒲
刺都死之贈孟州防禦使

元

劉宜

潞州人字伯宜沉毅清介居家孝女喜讀書有
經世之志從許衡講明理學累官吏部尚書時
佞交趾再征日本宜累章諫止切中時弊及更
錢法諫論利弊甚悉後官行臺中丞爲戶占臺
所忌羅織被逮囚獄宜忠義節操爲世所重
聞者嗟悼後從子自持上其事實御史臺以聞
封諡詳選
錄祀鄉賢

靳克忠

字唐臣潞州人通經術精吏治累官西臺御史
後知河中府也先欽木兒殺克忠不從具公服
坐廳事遇害
事聞贈諡

高守忠

元初千戶攻黃州戰
死子爲元百官

任存

尚志子襲父職爲潞州元帥金將武仙攻潞存
戰死諡爲忠孝家爲賜居第子立未能官
先官其姪成爲本州長官及立長更之佩金符
歷澤州陳州卒自宋通子金高宗南遷遺民仇

金不能復元兵南下志歸得張
良爲韓遺意父子死節事更偉

明

李 昱

字文昭潞州人負性剛毅慷慨自許動以古人
爲法領宣德乙卯鄉薦授光祿寺署丞正統十
四年也先入寇大同陷城堡襟壁王振強駕親
征敗北駐土木敵四面合圍兵士爭先奔竄相
蹈藉死蔽野塞川駕輿親兵乘馬突圍不得出
大臣以下相繼死者數百人時昱亦在扈從之
列蹈於敵圍也先欲重用之昱曰至尊臣死今
日固吾死所也遂不屈遇害事平題恤救進徵
仕郎贈父昱如其官母及妻俱封孺人錄其子
淳爲國子生以恩蔭歷汝寧揚州推官常以不
得復仇爲恨孫瓌堂同舉於鄉曾孫庭桂進士
充善鄉舉官至知府一爵舉人官王知州時羅
一奎並貢士官教諭喬孫永印歲貢訓導喬孫
育芝拔貢教諭識者咸以爲忠義之報歷歷不

爽長洲陳璠作詩以輓之有維揚大郡官賢郎
三尺持平才益長忠臣奕葉傳不朽奸賊身家
復何有之句嘗助王振擅權悞國始籍沒而不
免於刑戮至助惡之馬順蹠踏分裂而斃親信
之王毛二人亦被泉毆殺之其姪王山礮於市
族屬少長皆斬則身家莫保固不如昱之進階

榮後矣

祀鄉賢

暴 昭

潞州人初時舉止超羣洪武中以國子生授大
理司務賦介孤立歷寺副丞少卿識獄平允有
異聲還鄉里無異貧時麻履布袍泊如也當之
京父老錢定至中流卽下拜不欲其答禮也累
官刑部尚書奉旨取大誥條附載於律口大明
律詰靖難兵起設平燕布政司於真定以昭掌
司事及時賊武成叛執不屈至於折齒斷手足
終不屈而後斷其首仍與方孝孺鐵鉞同族誅
戚黨皆戍邊有傳
載藝文記鄉賢

王佐

字汝弼潞州人性跡逸有才辨素以義氣自雄
擢人廣坐中言侃侃衆爲傾聽之弘治乙酉舉
於鄉任河南西平縣知縣以惠愛爲政招徠失
業撫輯其居者汲汲若不暇邑無廢事獄無滯
囚時稱廉平會盜蜂起劉六劉七劫掠遍天下
佐曰盜且至不可無備築城浚隍大修戰守具
賊不敢犯偶出遇賊欲辱之毅然不屈賊曰壯
士舍之既而賊勢益猖獗擁衆數萬奄王城下
大呼館穀我出子女金帛不且屠城佐口是尙
可以爲邑哉是尙何以令爲哉乃以忠義激士
民誓死守登陴拒戰殺賊數十人斃賊首一人
賊憤攻益急列將畏賊擁兵不敢搃力竭城破
被執懸之旗首叢射之瞑目大罵不少沮復置
地下挺刃使屈罵益厲遂裂而殺之事聞贈光
祿寺少卿賜祭葬廕子官爲國子生立祠西平
命有司春秋致祭表其門曰節義仍入鄉賢及
二忠祠佐死後諸路間風皆爲死守計諸將奮
勵賊遂平劉大宰龍有詩哭之張巡不爲綱常

計楊令難成社稷功則知其一死益於國大矣
當時死事諸臣皆有戶侯蔭佐死事更烈而蔭
止國子擢亦失平

任環

字應乾幼警悟爲學先行誼敦名節嘗自勵云
充海潤天高之量養先憂後樂之心弱冠成進
士任直隸廣平縣知縣調沙河補清豐所至釋
冤獄毀淫祠民間利害與革必力故三縣咸尸
視之以卓異徵格於藩臬陞南直蘇州府同知
適倭寇至海弁皆束手當道以屬乃毅然自任
統所練民兵與力戰以身先之豐擒倭郵兵皆
感奮聽令如臂指矣賊據上海之人圍營率衆
擢之既而守太倉方病疽間倭船至卽裹瘡出
海時怒濤如山雖潰海舟師亦怖環手劍揮兵
督戰大敗倭賊斬俘百餘又敗之陰沙又敗之
保山又敗之南沙賊懼遁去持問擢蘇松兵憲
賊寇蘇州民爭入城爲保聚計門扁不得入哭
聲震野環啟四門納之有奸細混入潛得之斬

以殉越歲賊大至復大敗之斬首六百級晉憲副廕一子爲千戶丁生母憂請守制詔責以大義不獲終喪破格贈其生母以慰之祿平始乞終制晉泰政未闕服而卒贈光祿卿諭祭或稱蘇州府有祠春秋祭焉長治祠鄉賢子爾節蔭千戶官至守備孫可淳蔭千戶曾孫同麟蔭千戶

張克儉

進士慷慨有血性爲諸生時談及天下事便義形於色任河南輝縣知縣流氛正熾儉包砌石城訓練鄉健得萬人號忠義營恃無恐行取入京召對侃侃天顏霽悅擢兵部主事尋以僉事監軍漢陽多有斬獲賜白金文綺楚北漸平晉高使備兵下荆南仍監楚北軍嘗是時獻賊潰於瑪瑙山俘其家蜀下襄陽獄詎意狡賊晝夜馳三百里截經峩郵筒劫城劫獄遂攻襄府燒端禮門儉亟馳往救爲賊所執不屈遂刃臂於城上惜哉已隨有巡撫河南之命祀忠義通志

作屯留

人誤

萬代芳

貢士一本子任延長知縣殉城贈光祿寺丞賜祭廕芳承祖父家訓忠孝之道講之有素自然

臨難不苟第其平昔行實汎然無

考且不得享祠祀之榮爲闕典也

胡承勲

鎮守昌平總兵內外凡十三任食祿三十餘年薦舉七十七次獎勵二十三次咨保二次自陳三次前志但稱其親名流喜翰墨有儒將風孰知其汗馬功高邊陲曠著卓然爲國家虎臣也哉

朱瑄壘

崇禎間以宗貢知陝西秦安縣拊恤窮民以徧

聲著秦安地處邊衝城守無具值寇至城破被

禁引至伏羌令其賺城瑄謂伏羌人曰

力禦勿降我忍辱至此蓋欲得死所耳言訖罵賊賊遂殺之伏羌人感其忠相率堅守寇迄不能下

朱迥濬

崇禎間以宗貢知山東鄒平縣遇變殉難藩
在當時雅稱守禮其以宗貢應者率皆窮經史
無聲色狗馬之習及縮綬膏民社如桂陽知州
埋塌胸知縣迥濬胥稱循良而迥濬尤以節

顯

朱迥濬

藩府宗室崇禎末宗貢任白水知縣文雅能詩
明吏事人不敢欺會賊潛入城城陷猶力戰射
賊遂遇害

靳聖居

長治人崇禎末授慶陽府推官性廉潔負氣好
義見當時臣賊者醫盛奮馬不少止比闖賊陷
關中至慶陽城破

焦崇功

任直隸昌平州知州罷官酷貧
為闖賊拷餉卒忠清見禍指哉

宋希堯

任山東臨邑知縣
戍寅之變殉難

馮世選

素有才力闖將劉忠既遁城中不設備忽數騎
闖入西門選以道標材官與子當急引弓射退
之比閉門登陴賊已擁百餘騎抵城
下矣闖郡生命賴其保全云見通志

國朝

季還春

戊子己丑聯捷進士授淑浦知縣以辰沅道梗
攝慈利縣事甫蒞任賊黨猝至慈利無城可守
遂以身殉還春讀書得體要通籍益肆力
經濟之學而遠罹凶鋒以死君子惜之

馬之迅

字敦仲順治乙未武進士充一等侍衛授福建
提標旗鼓守備擒海寇張貴連志節等有功遷
廣東廣州水師營都司命書再以平海寇楊三
王占三等功調海安左營都司康熙九年遷湖
廣委陵鎮標中營遊擊十三年吳逆至湖湘土
寇竊發鎮帥徐悉精銳南下獨留之迅及老弱
數百人城守未幾川寇集城下之迅乘城拒守
間出奇兵擊走之八月圍復合城中將內潰之

迅示以整暇衆始定一日亭午慶寇已懈潛師由城免胄奮擊追殺數十里寇多死之迅亦被創以歸寇憤甚復糾黨來攻之迅力疾固守左右請歸署斥之日吾守臣與城共存亡何庸爲久之以前創卒苦子聲日我死汝必赴軍前盡殺賊不爾我日且不暇事問賜祭葬贈昭勇

軍將

馬聲

字正希長山人康熙丙午武舉吳逆之變聲家若以父之迅佐鎮夔陵遂率家丁馳至鎮分守南城父追賊被創聲制賊以進父創重訖不起制府蔡以金革義授援勦右路遊擊聲誓殺賊報父讐將部下二千人轉戰楚粵間功最遷督標副將署總兵事遂率師直抵昆明賊帥郭壯圖開門突出聲佐諸將力禦之賊死亡畧盡降其卒數萬滇平調雲南副制府范令貴邊入奏以忠勲裔顧問移時擢雲南左都督總官駐永北鎮洵足爲一時干城選焉

孝義

周

畢陽

豫讓之祖陽亦義士送白宗之子於楚事載國語

青并

趙人豫讓之友爲讓自殺見續文獻通考

漢

鮑宣

少時上計道遇一書生暴心痛宣下車爲按摩奄忽而卒不及問其名氏有素書一部錄十餅乃以一餅資殮餘同素書殉之終有一馬至其家白官以畀宣乘入京兆逸入一關內侯家乃馬故主也因問其得馬故且問素所行陰德事乃以續書生事告之侯泣曰吾子也使人啓之書其定然宣三世司馬子爵關內侯

魏

祝公道

袁尚將郭援攻絳絳守將賈逵死守攻益急父老告城下曰不害吾守乃降既降欲辱之逵叱賊援欲斬之吏民伏達背且乘城大呼曰負約殺我賢君寧俱死耳援乃囚之壺關逵寤嘆曰此間無健兒耶而使義士死祝公道聞之夜半引出縱去不語以姓名及援數乃知後以他事坐死逵救不能解為之改服以報之

唐

陳正謙

上黨人以信義著聞劉武周寇上黨高祖遣王行敏馳救兵乏食正謙出粟千石濟之由是人自奮賊乃去

晉

上黨義兵

建興中劉曜虜二帝危晉室并州刺史劉琨矢心翼戴募兵上黨得孝義勤王者五百人以太守劉惔兼帥鮮卑參克復壺關天下義之

梁

韓懷明

上黨人年十歲母患症每發輒危懷明情迫寒夜露崎星下俯伏稽顙或異香至空中人語曰童子毋自苦母病且愈遲明果然鄉里異之十五喪父哭幾絕家貧不受賈助員立成墳與喪與鄉人郭麻同師南陽劉虬虬一日輟講獨若涕泣懷明竊問之其外祖忌辰也時虬母已亡故感痛懷明因念母即日辭歸虬曰韓生無從吾之恨矣媿怡膝下朝夕不忍離雖貧必力致甘脆母年九十於水漿不入口者旬日號泣不絕聲廬於墓有白鵲伴三年除喪猶蔬素終身梁天監中刺史王滄表言之累辟不就卒於家見孝順事實

後唐

張光玘

潞州人續文獻通考載古今封股旌表門閭名在國史雖其居喪廬墓行實未詳然亦因地著名用垂不朽見拾遺

宋

邢濬

潞州人八世同居真宗表其門闕其租征

李處疇

父肇死定州之戰時世亂弟處耘姪繼遷俱歿處疇攜入京師保全誨訓後皆為宋名臣疇亦歷官至作坊使見拾遺

王彥死士

初彥圍河北諸將潰歸獨保其城西山遺心腹結兩河豪傑圖再舉金人購求彥甚急彥慮變夜寢屢遷部曲知其意相率刺面作赤心報國誓殺一字以示無他意於是兩河忠義

響應衆十餘萬綿亘數百里皆受彥約束金人欲以大兵破其壘其首領泣曰王都統兵堅如鐵石未易圖也彥治兵刻日大舉會百師議李與汪黃議左不得而高宗而止夫一人倡義十萬同心事雖未就義不容不亟書矣

金

秦當

上黨人金季兵起母老不能遠避乃坎山麓作囷奉母居其中旁坎大囷匿里中數百人具牛酒待兵兵入見其親問故曰孝子也釋之去里人賴以保全曰秦父生我其孫起宗仕元為兵部尚書

元

靳祥

其先潞州人後徙大名女師事陵川郝溫兼善星歷金末兵亂與母相失母悲泣而祥訪得

之越其目百日復明人稱其孝卒贈集賢大學士諡安靖子德進孫泰俱顯官 見元史
李术魯克恭 牛二歲父母俱亡育於外氏比長追念親養躬具甘旨及終以禮葬人皆以孝義稱之見府志

明

白聚良

涿州人朴實不知書母歿廬墓六年不懈

王 佺

涿州人鄉居西火質朴無偽親終廬於墓曠野無垣日夕哭泣泣已負土墳隆際起弔者至惜猜類不語居三年盜賊虎狼無犯者里人欲舉其孝力止之曰人子自盡其心何辱旌為自足里人化之廬墓者有仇氏二孝感仇氏而接迹者有梓人張擢張提鄉民郭景榮車禍雖有旌未旌皆本於誠足以勵俗至於寢處樓臺衣食豐美去來無定竊廬墓之虛名甚有卒哭家居

扶捏蒙旌其視俊為何如宜乎志墨未乾旋因事敗而裁去者故廬墓一事旌未善而論未定者不敢榮錄

仇 朴

敬之後與弟側事繼母如生母母疾朝夕侍奉比卒慮墓三年旌曰二孝樞尤以讀書執禮聞於時

仇 勳

朴欄姪也父楫病癰吐瀉不離牀褥勳每手潔其穢居喪三年不入私室旌為孝子備工養父年八十二疾篤思肉弗能得割胸前一樹然而進之父以為美詢所自來口乞諸隣再食請再乞疾立愈而刃傷未浹旬

原 富

亦平楊兼訪飭表其闕並給庖廩云

路 旬

善養父母妻王氏協力助夫孝父嗜飲貧病不恒得夫婦晝夜製馬策供養自咬菲惡父先卒母年愈高旬左右扶掖不少怠家復裕母愛周貧旬輒先意投其飲自少至老未嘗一語忤其

意父母無日
不歡噫云

李文志

王子順

母老寢疾夜思肉食甚急文志引刀
剖胸以進母食之疾愈懸旌其門
府學廩生佐裔孫忠臣之後孝思天植父年九
十母年八十四承顏將順有老萊子之風焉值
嚴冬母歿飲水七日跣足晝夜不解衣哀毀慘
戚茹素終喪當道聞之欲爲題旌順婉辭之扁
其門曰孝子後
以貢歷官教授

仇楫

字時濟潞州人給事中敏之玄孫官宿州吏目
與弟儀賓森同立家範明其家又舉行鄉約範
其俗門內外雖離離肅肅閭里無聲伎僧道跡衣
稱三代之風至隆慶初已同居六世百五十年
矣部使者奏
開旌爲義門

仇森

字時茂別號玉松子潞州人居東火村齋藜菜
僖王選爲儀賓傳家孝友數世同居立祠堂旌

劉斌

家範初祠堂成祭畢作誓詞云吾家子孫及諸
婦敢有不孝不弟不同心協力或積異財謀分
析者祖宗達于神明極罰之鄰莊僧寄錢二十
千僧暴死無弟子親屬乃出錢以葬僧餘皆頌
僧之鄰人正德間迎養祖母陳於城中台家借
往已而流賊奄至得免賊退聞有不從賊死者
趙袁焦王四婦白於巡撫王立碑建祠初賊至
索馬不應火其家卒弗與曰不與害一家與則
害及四方矣有子熙游於卒使從何科去學書
積兩行途中苦甚卽覓工自南莊下城皆平治
之凡士遇大比必薦贖之曰此吾輩選之賢也
一日感寒疾方汗因先人忌辰冒風庇於祖宅
疾復作是夕天殞一星光如月落城中次日卒
年五十九所著有玉松稿家語雄山集鄉約集
成正烈倡和
集見通志

正德辛未流賊掠雄山兄穆被擄斌冒險趨救
泣請身代賊怒率刃加頸斌不爲動賊併釋之

王大節

父相嘉靖初商延安卒不能歸櫬母田方火遺廢生大節竭力養舅姑三十五年母亦卒大節時為諸生痛父魂杳隔千里母魂孤閉九泉誓購同穴乃投牒於郡叅糧徒跣至延安莫議父所瘞處有高年王萬牙指告彷彿則曠野無從得焉大節叩地號泣望空禱額顛神約漫擲楮錢以卜即從楮錢所至處求之果得遺骸石碣存焉乃抱屍痛絕血滲漉入骨晝夜伏穴中不逝豺虎輿榘還鄉與母合葬隆慶三年郡邑諸生具畧當道賜幣扁其居

仇大

六世同居先後出節烈正女二
十三人萬厯中旌義門見通志

栗元

長治人成化間捐粟
千石旌門祀忠義

申志舉

與弟志伊二人事親至孝父疾嘗糞及歿哀毀骨立舉至擯一日其母喪明兄弟各禱天願以身代母殯廬墓三年萬厯三十四年巡按汪題請旌曰雙孝祀忠義

張仲智

父早逝遺母李氏竭力奉養迨卒廬墓三年祀忠義

張倫

庠生幼喪父奉母備極甘旨卒合葬結廬墓側日負土崇其墳傍無水穿井深不及泉乃焚香泣拜水湧出人以為孝感奏
同旌其門後貢任東阿訓導

任朝

光祿鄉環之自幼篤學長貨殖能孝尤好為義舉建書舍從士子讀書其中修橋梁道路以便往來即千金費無難色教子必
曰忠孝故光祿為閩人祀忠義

宋楠

幼業儒慷慨尚氣節因父喪期攻醫青羊之變應募剿捕倉然深入賊壘戰死焉

栗瑤

為沁源榮請王儀責事兄恭謹導弟以巽願犯而不較兄弟同居祿入幾二千石悉其不私後弟欲異產不能止獨遜取其下曰吾不得為張公藝為薛包可也子應宏為一郡文人第一祀

忠義

李庭玉 濬州人正統中輸財助官賑濟旌義民見通志

張宏 學冊作宏 祀忠義 栗振 愈事應麟高 祖祀忠義

金秉文 張復旺

趙興 崔景春 知州宗 堯高祖

李贊 董子榮

李鸞 祀忠義 張鳳 祀忠義

李誠 尚書惟馨孫 張恕

李杲 鄭得興

王思賢 崔深

靳良 董興

楊慶 劉巖 自張宏以下二十人並因正統五年大荒倡義

每人捐粟一千餘石賑濟存活者多復蒙英宗獎賜俱復其家三年

璩江 晉川舊志嘉靖甲寅歲被俄好益野江以錢米募丐者收掩作義塚葬之約百千計故宜補之

嘗覽周雷澤荒紀崇禎十三年大疫中書牛見垣座六坑計部郎程化源瘞一坑鄉耆宋想德

瘞一坑生員張師孔瘞二坑典史江獻龍瘞一坑則懋德師孔當補入義十若斗若程若江各

丁賢官內附載其義舉可也見拾遺

周倫 潞州人父經商客死鄆縣其遺資悉付倫經營五十年弟姪十餘人子姪十餘人皆為之婚嫁

異業後即臧獲皆有私積公惟布袍一領納敗窆中門無餘錢其不私盡如此

徐珮

任光祿環之庖人也光祿征倭寇戰于八團營賊援劍徑擊光祿珮急前以身當劍而死環得免遂大破賊祀忠義

胡紳

雲南人贈知縣鮑才之僕也才嘗滇南搆之歸中途遇警紳畫策從山谷鳥道挾貴去才不能從約會於某處及至果先待焉拯家才卒郡丞龍甫十齡服事惟謹比龍技南宮方伯承蔭復成進士世傳阿寄膾炙人口

郭思極

萬曆十四年大荒思極以母萬氏命出粟千石賑濟之事聞建坊旌其母併極云

國朝

王運隆

貢士己丑之變同弟運興奉母朱氏避天橋寨中兵攻寨急母知不可免謂運隆曰我死不受辱運隆曰母言是也朱氏遂自經運隆同弟號泣展拜畢俱墜懸崖死君子曰良與隆皆微也

原良

母之節者也卒之碎身絕拒與母同歸哀哉已丑之變奉母秦氏逃避陽護村母為兵所得欲犯之良憤不顧身拾柴木擬擊兵兵怒剖其唇仍大罵不絕母子遂皆遇害

侯五

洛澤營兵也甲申九月賊將劉忠乘虛攻郡城乃穴城作陷道守者矢石俱不能中五月率眾進城先下隍欲殺守穴者遇伏賊起衆弩齊發五奮勇與賊對射竟為流矢所中衆救不前群賊支解之

苗王保

鹿村人父自盛醉酒渡漳河倒碧流中工保扶父出險時值冬初痛父寒解衣衣父赤體侍其傍父子俱死程之瑤曾刻詩挽之見拾遺

林茂楠

性孝友妻變負母避亂跣行四十里遇賊驚散痛哭行求得母於保定得父於西安復走壺關

得少弟方亂時有少婦愿作配者力却焉此事
平娶妻生子病垂危夢神語日子固當死帝以

汝孝義故生之
病果愈見通志

李禮門

七歲失母號泣不食者三日父天培鰥居三十
載雖一飯一寢禮門未嘗不在左右也比歿風

毀骨立廬墓三年刊有
勸孝歌以勗世見通志

程 鈞

父堂客死粵東鈞方七歲日夜號泣家貧傭工
於人積貲以歸其柩比母喪又以無力安厝憂

痺百端傭工江南而
殞世其傷之見通志

張皇政

字相臣候選州同有至性舉止端嚴事父母先
意承志母辛水禁不入口父逼之食始勉咽粥

率工親修塘穴三年悲泣後父病藥必親嘗
天請代哀毀廬墓亦如母喪又遵父命在河南

濬縣設義塾施地畝頃每歲建立浮橋又本村
設義塾施地叁拾畝修荆芥嶺約費數百金且

時賜給宗族及鄉人之無告者乾
隆四年 題請建坊旌表祀忠義

宋顯異

字卓卿附貢性端慈克敦孝義父有足疾異事
奉惟謹凡飲食起居不假他人手泊病革異辦

踊呼號又恐傷祖母心飲泣殞嗣治祖母喪
一如禮及母故廬築三平朝夕哭泣行路感傷

至立義塾焚券讓產猶有古人風乾隆戊寅題
請建坊旌表祀忠義子溥淵附貢候選州判

劉法唐

字效陶十一失恃不期年復失怙事繼母連氏
至孝氏亦曰夫遺囑撫之甚孝法唐登第置侍

衛 詔命教習正紅旗漢軍因請終養 予
之旒里遂杜門不出百計承歡連亦快愉謂可

見夫於地下矣壽七十
而終皆唐孝養之力也

胡 琮

庠生旌表節婦宋氏之子也家貧好學性極孝
當宋氏題 請後力難建坊琮憂止泣鄉地聞

子為設法修建及宋氏卒琮拮据營葬事畢
即閉戶讀禮間有事街中嘗含淚俯首不旁視

見者咸以爲此胡孝子也

李巧兒

賈掌村乞兒也每乞得必持以奉寡母俟再得然後食村人歎之視其實果然由是遠近傳播咸樂道之嗟乎乞兒何知竟能枵腹忍飢而所以所乞者代菽水之歡其視力能養親而有德色者爲

何如

李增經

石炭峪人與弟增綸相依爲命家赤貧賣水度日出入必相隨雖與人傭工亦刻不相離及綸卒經形影相弔如失左右手後竟以思弟而亡其友愛如此以視處有餘而悶嗚致傷者不亦

異乎

孫宜哲

附貢豪爽不羣好善樂施義行多端立義塚以瘞孩骨設義學以教愚蒙康熙六十一年歲飢捐粟濟貧因村南北山路崎嶇車徒往來不便不惜重價懇買民田更匠修理二事約費數千

金 郡守邱表其門至今人猶德之

王體元

字善長附貢任坊鎮性慷慨好施予立有義塚並刊勸埋嬰兒說化導鄉愚一時義行卓卓與之齊名者柏埃村例貢王烈於康熙辛丑壬寅年出粟賑飢無德色亦不計所償里人德之桑梓鎮庠生宋蔭昌亦立有義塚六畝至今貧乏者皆賴有葬地之三人其事同其實同固皆勇於爲善者

因合志之

庾掄秀

字子偉附監慷慨仗義康熙六十一年歲饑出粟千餘石濟里中貧乏設立義學延師課業嚴而有法人多成就

楊廷棟

字君用監生賦性直方居家孝友尚儉樸尤好義乾隆十六七年約施棺木百餘口常曰人不讀史不知大義故讀綱目手不釋卷有心得輒摘以訓子姪勉其躬行實踐

申維甸

武生乾隆元年八十六歲 榮准壽
官九十三而卒周貧濟急綽有古風

李自重

係本城人一日於西街王朝宰舖前拾銀一包
疑是朝宰舖中之物隨即扣門交宰宰愕然不
敢受因同鳴於官以待原至有本城李光宗者
認去蓋光宗代人置買棺木銀三十兩而偶遺
之也光宗感其德微以一半酬之二人堅辭不
取視彼王坊鎮之王得文以推車度日而拾百
金不昧其義
不皆可風與

陳誥

本城人家貧重義與弟謙弟貴林分居另爨各
自為生誥止有義子以例不承祧擇貴林次子
長江為嗣謙少亡無出誥將長江讓於謙為嗣
而別立貴林之四子福江為已子所有積累財
產不分子姪三股均之及誥歿其妻馬氏能承
夫志待姪子益加厚道縣令吳嘉其夫婦之義
給匾旌之

吳九齡曰生人之行孝義尚已行成於內則孝居首
行者於外則義為先似有殊途也然孝子事親必引
之於當道而不使陷於不義而義士立行慷慨激昂
大抵廣父母之意因而增父母之光者居多則孝中
有義義中有孝又似可渾而同之也蓋嘗論之孝可
統義義不可以該孝果其孝也不問而知其義矣若
歸義於孝特從其存心之始立名之後原之耳究之
所作之事則不得不以義別之故珥筆者列孝於先
次義於後順序也孝與義各從其類亦其為其類理

有相及也如必謂孝自爲孝義自爲義安見孝子有不義而義士獨非孝哉然則言孝者盡孝而推之爲義則孝且更大慕義者講義而本之於孝將無所往而不爲義也並行不悖其孝義之謂乎我

國家敦崇實行特著

令典忠孝節義各建專祠以昭大節發幽光今有屢

孝秉義得其一節可以示勸者何莫非

聖朝順德之民哉

文苑

漢

馮 遂

字一產左將軍奉世子通易太常察孝廉爲郎補諫者建昭中選爲復土校尉光祿勳子永舉

茂才爲美陽令功次遷長樂屯衛司馬清河春

尉隴西太守治行廉平年四十餘卒祀鄉賢

馮 衍

字敬通上黨人徙杜陵左將軍奉世孫幼有奇才九歲能誦詩二十博通羣書王莽時多薦之

仕者衍辭後莽更始將軍廉丹辟爲掾勸丹歸

正不聽丹死亡命河東更始二年依鮑永爲立

漢將軍更始歿乃於河內降帝初見黜頃之爲

曲陽令有斬賊功不果封衍上書陳八事帝將

召見令狐畧等共排不用後諸王重禮之爲司

隸從爭得罪西歸建武末又上書不用乃作顯

志賦以自勵顯宗卽位以文過其實短衍者多

遂廢於家而卒然有大志仍著賦諫銘說問交

德誥概惜書記說自序官錄策五十
篇肅宗甚重其文

晉

續咸

字孝宗上黨人性孝謹敦重師事京兆杜預專
春秋鄭氏易教授常數十人且明達刑書仕晉
爲廷尉平東安太守劉琨承制以爲從事中郎
後沒於石勒以爲理曹參軍持法平詳當時稱
其清裕比之于公年九十卒贈儀同三司據崔
游續咸皆晉史儒林中人物也游爲元海師而
不受其三公之聘咸一昭石勒爲之
參軍亦著清裕之稱祀鄉賢

前宋

鮑照

字明遠山屯留徙東海文詞瞻逸尤長於樂府
始謁宋臨川王義慶貢詩言志擢爲國侍郎遷
秣陵令選爲中書舍人時頗多忌賦述不敢盡
其才後臨海王子瑱鎮荊州以爲前軍參軍

頊敗遇害 鍾嶸詩品鮑照詩其源出於二張
善形狀寫物之詞得景陽之諷詭含茂先之靡
漫骨節強於謝琨飄逸疾於延年總因家而擅
美跨兩代而孤出嗟其才秀人微故取溷當代
然貴尚巧似不避危仄頗傷清雅之調故言險
俗者多以附照 照卽昭以武后名墨唐人讀
照爲昭其實一
人也見拾遺

北魏

李崇祖

字子述業興子北齊大襄集朝士命盧景裕講
易崇祖年十二論難往復景裕憚之後構三臺
材瓦工程皆出其算
仕至太尉外兵參軍

宋

張仲容

潞州人官至屯田員外郎以好士名凡知
各士皆折節締交精研詩學致仕祀鄉賢

董文甫

字國華潞人承安中進士性淳質恬於世味於心學有所得自號無事道人子安仁亦學道父子嘗問居實豐閉戶不出以習靜為業朝夕不繼晏如也文甫歷金昌府判官禮部員外郎昌武軍節度副使正大中以公事至杞縣自知死期作書與家人及同官又作詩貽杞縣令佐詩畢擲筆於地以扇障面而逝

明

粟應麟

字仁甫潞州人嘉靖己丑進士知河南陳州歷直隸順德府同知遷陝西僉事解組歸應麟負才名好吟咏詩詞婉麗文亦能成一家以易魁天下宗親例不得為中朝官游歷外任以才兒忌卒不至大用

國朝

周培說

再勳長子讀書務求實用詩文書畫各具佳妙當再勳被囚高平時說問警司第培翼蓬頭跣足突圍馳至城下父子相認乃繼入佐再勳登陣固守編什伍運火器嚴戒四十餘日圍始解其經濟概可見矣後由歲貢任

李中白

呈秀子考選翰林院庶吉士陞尋陞左春坊左贊善兼內翰林陞國子監祭酒陞內秘書院侍讀學士為人忠信和易以少年顯官居鄉處友一如布衣畧無驕態順治辛卯至順天鄉試精心甄拔所得皆名士至其師太學時秉心大公持已廉約一洗

閻必卓

從來宿弊監中多士頌之以病歸里就醫於江南尋至武林卒字立仲考第克敦力學好古尤長於詩賦辛丑成進士出宰平陰時有百里忽膺新寵論千秋

勉學古良臣之句受事甫三月遂 覃恩贈父
母如其官益自矢曰榮及泉壤何以仰答君恩
於萬一哉卒陰僻邑民易逃亡加意撫綏崔科
不擾值歲旱步禱神祠三禱三應賑饑民本假
手吏胥至革各里大門頭之役革泃河夫之數
民皆感德聽訟惟公課士惟勤甫二載未竟其
用而卒所著有秋谷制藝二

卷秋谷詩集文集各三卷

趙良玉

字爾采少與兄通判良弼讀書朝爽樓午夜不
倦有名詞壇以歲貢生官襄陵教諭啟迪備至
補倚氏拔喬府丞雲名於童子中令以軍需激
變良玉開誠撫慰得帖然遷大同教授值歲飢
與有司設法分賑比擢太平知縣以兄通判歿
營營不樂遂不赴歸築序樂園教子弟讀書暇
時彈琴賦詩怡情魚鳥花木間
後十餘年卒鮑孝廉芝有傳

程之昭

字二漳歲貢生博學好古文辭詩賦精雅藝林
推之亦通岐黃術著舌耕堂詩古文隨手錄續
乘餘錄潞安詩選程氏人物考金剛經集解醫
海勺波百餘卷而潞志拾遺一書考覈典核錄

古者尤
敦實焉

吳九齡曰天地爐錘鑄之不盡吾心橐籥動而愈開
孰有如斯文者乎休休藝圃畋漁秋實春華矻矻芸
牕辛苦冬鑪夏扇故在草茅下士恒有蘭搖玉振之
篇卽屬廊廟名卿不無桂縛金銷之作未可執其一
說何妨採彼諸家兩漢以前汗牛難載六經而後鉛
槧紛淪譬諸太華黃河高深至矣而登天台涉雁蕩
者山川之秀逸然慎之阿房建章壯麗極矣而入迷
樓遊綺閣者宮室之美欣然樂焉則夫搜奇文苑何
獨異於茲耶劉勰之撰文心頗窺衆妙蕭統之序文

選畧見一斑或摘藻詞林則韓歐載筆或據忠丹展
則晁賈持籌楊子雲草立特詳其奧異陸士衡作賦
悉屏乎淺庸相如以合組稱辭安石以碎金題語茂
先三十乘蒼朱墨以鏗奇逸少九萬箋疊銀鈎而詮
妙凡此者三寸不律能鑿混沌之天五色赫蹠可煉
女媧之石嗟乎瀾飛學海豈一筆所能杭楸北書倉
進一簞而未厭對其文如覲其人持入中都卽貴洛
陽之紙信諸今並垂諸後倘過秦國宜輕呂氏之金
彼夸靡鮮蘊固徇委而忘滄若抱質遺文抑崇條而

謝蕞昔人云願將玳瑁爲王謝裝書思把珊瑚與徐
庾架筆僕輯文苑其於諸君子亦若是則已矣

隱逸

漢

馮 冑

字世威，涉都侯李邵門人也。常慕周伯况、閔仲叔之為人，隱處山澤，不應徵辟。邵年八十餘卒於家，冑獨制服心喪三年。時人異之。奉世九男，一女，長女媛，選充後宮。生中山王，為中山太后子。諱野王。遂立參潞志，悉載其名，而獨不及冑。冑上黨人，且隱君子也。容可闕如哉。見拾遺。

唐

馮 裴

上黨人

馮 元

裴之子，俱以琴書自娛，不樂仕進。唐以隱士稱。

李汝佐

潞州人，博雅能文，不樂仕進。與何景明相友，吟咏唱和。

長台縣志

卷之十四

四

郝 沿

字元津上黨人以門第為本州中正洽隱居西
火鎮元宗出獵見洽與語奇之因造其第見其
女秀整請充後宮及帝即位授以官不拜終身
以處士稱賜田給養

田佐時

潞州虞士建中三年黜陟使裴伯言薦之詔除
集賢元直學士宰相張鎰以為禮輕恐士不勤
復詔州縣吏以絹百匹粟百石
就家致聘佐時卒不至見通志

元

張 播

上黨人馬紹傳紹字子卿濟州金鄉人從上黨
張播學初丞相安童入侍世祖奏言宜得儒士
講論經史以資見聞平章政事張啓元以紹應
詔授左右司都事出知華州民刻石頌德歷提
刑按察司事遷同知和州路總管府事參議中
書省事改兵部尚書後為刑部尚書平章政事
桑哥怒杜璠洎鈔法欲加以重罪紹持不可又
欲增賦紹又持不可事遂寢及桑哥敗跡其所

明

宋 相

嘗行賂者獨無紹名帝曰馬左丞忠潔可尚其
復舊職又遷右丞有詩文數百篇觀紹之功名
品行而播之學問心術可知矣乃聲施青史而
郡志未收其名不亦大可慨哉見元史

潞州人何仲點崔仲晃郭介夫輩相唱和知潞州未幾

掛冠長往撫臺移檄走常梓里旌勞之日與李
柱史漳野劉少保紫巖以詩酒相唱和年八十

八以壽終弟朴
亦博雅清修

栗應宏

潞州人應麟弟好學攻古文詞嘗賞金數百至
金陵購書萬卷寢食其中詩文高出魏晉累試
南宮不第任河南南陽府通判薄吏事遂棄官
歸耕讀太行山中高叔嗣解司封歸安擔筇相
造鴉黍定交叔嗣作紫團山人歌贈之云紫團
山高栗青雲栗家兄弟殊不羣陳州一出驅五

馬令第二十窺三墳著山居詩六卷叔嗣爲之

序採集通志

縣志

周再烈一梧子恩貢風雅蘊籍授羅山縣令棄官歸足跡不入城市水邊休下以自適

吳九齡曰天爲天下而生才將以效用也曷取乎隱
逸雖然亦各有性情焉志道德者存兩間之和氣大
行不加窮居不損志事功者充兩間之英氣遺大不
辭投艱不懼而志在隱逸者則亦得兩間之清氣而
獨全其性情之真者也夫唐虞之世亦有巢由商周
之時不少務下凡以任道德者有人任事功者有人
故優游歲月得寄情山水託興狂歌以自高其節而
又足以見人才之無處不有無品不備焉如必以其
未嘗見用而少之將免置之詩可刪而考槃之什可

逸矣范希文不云乎微子陵不能成光武之大微光武豈能遂子陵之高將使貪夫廉懦夫立是大有功於名教也予之論隱逸也何以易此哉

群材

漢

馮

譚 太常舉孝廉爲郎功次補天水司馬奉世擊西羌譚爲校尉隨父從軍有功未拜卒

符

朱

紀 上黨人與劉淵同學于崔游淵甚重之

張

蚝 上黨人本弓姓有絕力能挾牛走馬符堅將常置左右世稱鄧羌張蚝皆萬人敵也

隋

馮世基

上黨人仕隋爲馮翊與郭均並稱明敏幹畧相繼爲兵部尚書

後漢

申貴 潞州人仕蜀為四川眉州刺史將兵救王景崇以拒漢兵設伏敗之遂破寶鷄又破安都寨亦而付于偏安固不幸也

宋

李惟賢

字實臣昭亮子蔭三班奉職為開門祗候通事舍人累遷西上開門使尋領高州刺史知莫州倉粟陳腐成兵大譟弗肯受惟賢馳往諭曰邊兵衆則積粟多能無陳腐乎欲盡取新則陳者何所歸斬首惡一人流十人軍中帖然召還提舉諸司庫務領榮州團練使知莫州會遷補禁軍犯贓汚者皆絀為下軍惟賢曰武生何可責以廉節且抵罪在昔今不可以新令繩之乃更其制徙恩州遷四方館使卒惟賢善

苗履

授子束髮從戎後知蘭州同王瞻收青唐瞻將戰敗羌復圍城請將多遁去履得率衆力戰遂

潰羌焚其族帳而還後累功陞至捧日天武都指揮使

元

任志

木華黎畧地至潞志首迎降投以虎符俾充元帥收輯山寨數敗金兵戰有功金嘗得其長子如山以招之曰降則爾子生不則爾子死志曰我為帥豈愛一子親射其子燼之木華黎召議事道過武安其縣已反為金遂遇害木華黎悼惜請于朝錄其子有志作任尚志壺關縣人誤

李公弼

字輔之潞州人沉毅多大累以武功累官定遠將軍同知沁州節度使

王汝礪

字蓋臣潞州人儒吏兼通由隴右廉訪掾有政聲加授江西湖廣道廉訪知事

王守忠

字信卿潞州人少好學兼通律學仕元為隰州判官有善政歷岳陽閩鄉尹江州路判官進終

州知州致仕

高 麟

上黨人父守忠元初千戶從征黃州戰歿麟事世祖備宿衛頗見親信以才選充太子官屬遷

王 肅

丞相阿黑馬貪橫自恣千戶王著乘夜詐稱皇太子來誅黑馬麟時宿衛宮中識其詐叱衛士

王 肅

急捕遂擒著明日馳驛上聞帝急遣還收捕餘

李 公 麟

黨鎮撫京師進同知留守兼少傅卒于河南等路宣慰使

明

牛 麟

儒生儀賓

宿 政

同知格之子儒生儀賓

郝 賢

潞州人與牛麟宿政及隱逸之宋相義士仇森栗瑋皆以儒生選為儀賓而不為富貴習相結斷金會讀書勵行吟咏引和將身不輟精神重之呂涇野有序高蘇門叔嗣潘國頌亦極稱工

六人之賢

王 龍

潞州衛人知府期古之父

蘇 江

張 仁

知縣經之孫

張 煒

政子以例貢任南直廬江縣主簿有長才知砥礪令倚如左右手流賊攻城有奸民倡異議恐眾者諭以禍福責以大義率民死守賊竟不克而去後以僕馬抗內監遂輕車歸位早祿薄不為勢利少屈而能急流勇退亦丈夫也

原 廷 璽

由吏員任河內縣主簿善剖斷催科得法縣尹倚重之制歸民送者以千計歸家治農事課子誦讀書事有不便於民者輒條其利害郡邑知其賢多虛懷納之

栗瑞

字浮巢永饗子性孝友恬靜廉潔嚴正端方言語步趨一準矩矱凡經傳子史博洽淹貫人有疑義問之悉發其源委所著詩文典雅風華稿藁未刊其書出入義獻虞褚間蕭散煥發自成一家又精醫及金石物以一明經老年僅五十士林惜之子千秋千似廩生

廉承芳

字蘭谷知縣政之孫能文詩善楷行不樂仕進與同邑王龍蘇江張仁及壺開張憲張寶皆儀賓慕仇森等斷金遺風立元吉會勛勉爲善

王廷鈞

字御六級世子舉人任邱縣知縣與兄績三稱九序名士領袖自鄉薦服官休致數十年風雨晦明手未釋卷長才精學有所評李岱雲四書朱子異同條辨史記評林杜詩解養正編作文理法中庸說略諸帙行於世

萬世忠

監生學文韓號隨園通判一本曾孫工摹松雪帖知縣董甚嘉予之曰此地臨池家惟又韓之

人晚年出入二

王更臻神效

字貞庵號耐園邑學生簡嘿持重家貧力學篤行不少屈節尤寢食左圖每歲必取紫陽綱目熟讀一過行文務扶聖賢微吉年十二受知於滄水于令癸卯彭學使按滄越請書明倫堂以斬釘截鐵名是歲應選貢學師促之痛飲不赴學在爲已惟誠有焉

楊思誠

國朝

程之昭

字二漳歲貢生博學好古文辭詩賦精雅藝林推之亦通岐黃術著舌耕堂詩古文隨手錄續乘餘錄潞安詩選程氏人物考金剛經集解醫海勺波百餘卷而潞志拾遺一書考覈典核鑑古者尤激賞焉

趙良玉


字爾栗少與兄通判良弼讀書朝爽樓午夜不倦有名詞壇以歲貢生官襄陵教諭啓迪備至補猗氏拔喬府丞雲名於童子中合以軍需激變良玉開誠撫慰得帖然遷大同教授值歲飢與有司設法分賑比擢太平知縣以兄通判歿壽齋不樂遂不赴歸築序樂園教子弟讀書暇時彈琴賦詩怡情魚鳥花木問

周培誥

後十餘年卒鮑孝廉芝有傳再勲長子誥書務求實用詩文書畫各具佳妙常再勲被因高平時誥聞警同第培翼蓬頭跣

卷之十一

人物



三五頁
應為三十三頁

李中白

足突圖馳至城下父子相認乃繩入佐再勲登
其經濟概可見矣後由歲貢任
平定州訓導有詩集行於世
呈秀子考選翰林院庶吉士陞
國史館檢討

因史院檢討

陞國子監祭酒陞內秘書院侍讀學士為人忠
信和易以少年顯官居鄉處友一如布衣畧無

驕態願治辛卯主順天鄉試精心甄拔所得皆
名士至其師太學時秉心大公持已廉約一洗

從來宿弊監中多士頌之以病
歸里就醫於江南尋至武林卒

閻必卓

字立仲孝弟克敦力學好古尤長於詩賦辛丑
成進士出宰平陰時有百里忽膺新寵命千秋
勉學古良臣之句受事甫三月逢 覃恩贈父
母如其官益自矢曰榮及泉壤何以仰答君恩
於萬一哉平陰僻邑民易逃亡加意撫綏崔科
不擾值歲旱步禱 神祠三禱三應賑饑民不

閻必卓

從來宿弊監中多士頌之以病
歸里就醫於江南尋至武林卒
字立仲孝弟克敦力學好古尤長於詩賦辛丑
成進士出宰平陰時有百里忽膺新寵命千秋
勉學古良臣之句受事甫三月逢 覃恩贈父
母如其官益自矢曰榮及泉壤何以仰答君恩
於萬一哉平陰僻邑民易逃亡加意撫綏崔科
不擾值歲旱步禱 神祠三禱三應賑饑民不
手吏胥至革各里大門頭之役革派河夫之數
民皆感德聽訟惟公課士惟勤甫二載未竟其
用而卒所著有秋谷制藝二

趙良玉

卷秋谷詩集文集各三卷
字爾樂少與兄通判良弼讀書朝爽樓午夜不
倦有名詞壇以歲貢生官襄陵教諭啓迪備至
補琦氏授商府丞雲名於童子中令以軍需激
變良玉開誠撫慰得帖然遷大同教授值歲飢
其有司設法分賑比擢太平知縣以兄通判歿
齋爵不樂遂不赴歸築亭樂園教子弟讀書暇

時彈琴賦詩怡情魚鳥花木間

後十餘年卒鮑孝廉芝有傳

程之昭

字二漳歲貢生博學好古文辭詩賦精雅藝林
推之亦通岐黃術著舌耕堂詩古文隨手錄續
乘餘錄路安詩選程氏人物考金剛經集解醫
海勺波日餘卷而路志拾遺一書考覈典核鑿
古者尤

激賞焉

吳九齡曰予近輯長邑志至人物傳所載忠烈事未

嘗不低徊久之蓋忠難矣烈亦難忠而兼烈烈而兼

忠者為尤難雖然豪傑不刀贅以虛存君子不草腐

以苟沒其識力卓而突兀能超世其才力大而沉鷲

能維世其膽力堅而能忍能持世其骨力重而不移

能振世凡此皆英雄本色而不變其富貴不有其身

家者也以故讀聖賢書而學其事常有成仁取義之

思做秀才時而任其業亦抱先憂後樂之志幸而得

時則駕自當為良臣為名將而非徒食君之祿偷息

時彈琴賦詩怡情魚鳥花木間

後十餘年卒鮑孝廉芝有傳

程之昭

字二漳歲貢生博學好古文辭詩賦精雅藝林
推之亦通岐黃術著舌耕堂詩古文隨手錄續
乘餘錄路安詩選程氏人物考金剛經集解醫
海勺波日餘卷而路志拾遺一書考覈典核鑿
古者尤

激賞焉

吳九齡曰予近輯長邑志至人物傳所載忠烈事未

嘗不低徊久之蓋忠難矣烈亦難忠而兼烈烈而兼

忠者為尤難雖然豪傑不刀贅以虛存君子不草腐

以苟沒其識力卓而突兀能超世其才力大而沉鷲

能維世其膽力堅而能忍能持世其骨力重而不移

能振世凡此皆英雄本色而不變其富貴不有其身

家者也以故讀聖賢書而學其事常有成仁取義之

思做秀才時而任其業亦抱先憂後樂之志幸而得

時則駕自當為良臣為名將而非徒食君之祿偷息

苟免者可比及一旦變起非常計不返顧光明揭日月浩氣壯乾坤嵇侍中之漉血楊叔山之杭疏其得天者然與不則何忠心烈魂直蟠結於高天厚地之間而獨成其是如此哉今人誦說前賢之忠烈無不攘袂拔劍義形於色及身當毛髮利害不覺猶豫失常低頭喪氣狼奔鼠竄之不暇况夫白刃當前須臾人魁而顧奮臂長呼一死猶足明志此實難矣豈不真忠烈乎哉上黨爲三晉名區其中所傳人物遺蹟特書之曰某某忠某某烈雖上下千載屈指寥寥然

聞風者苟有念于指天誓日之誠蹈火赴湯之決其亦可竦然而興起矣

25095

長江
縣志

